


مجموعه آثار آیت الله العظمی

ادبی و سیاسی رساله‌ها اسبوعیه در

۳۱ نجی سنه



جلد: ۱۴ - جزو: ۱۴۳ پنجمینشنبه ۸ جمادی الاولی ۱۳۳۰

زمانی تاریخنه خادم خاطرات

(حدیقه الجوانات لایحه سندن مابعد)

ازمنه جدیدده اولاً ، کافه اقالیم ارضدن حیوانات جلب ایله آنلری برآرده بولندیره رق اعاشه ایتمک . ثانیاً آنلرک احوال معیشتلری تی دقیق و مطالعه ایتمک . و ثالثاً آنلری احوال اقلیمی ایله الفت ایتدیرمک خصوصاً یکنه اعتنا ایدلمکده بولمشد .

بوندن بشقه تدقیقه شایان بر مسئله ده ظاهر ایتشد : اوده بشقه بر اقلیمه نقل اولنان حیواناتک آب و هوا ایله عدم امتزاجلرندن طولانی گرفتار اولدقاری خسته لکری مطالعه ایتمکده . که بونکله ده اکثر حیواناتک - اقلیمه آلتدیرلمسی کیفیتنه نرتبه اعتنا و غیرت ایدلمش اولسه یکنه - وطن اصلیلرنده کی شرائط طبیعیه نیک تمامیه حاصل اوله مامسندن طولانی بعض امراضه مبتلا اولدقارینک ثابت اولمسی در .

خصوصاً حیواناتک الځ بهاليسى بولنان وخلق عندنده دخى زياده سيله مقبول اولان انسانه مشابه مایمونلر . نزاكت طبيعيلرى اقتضاسى اوله رق سار مخلوقاتدن زياده مبتلاى علل و امراض اولمقده و قطعاً اقليه آلدديريله مامقده در .

۱۶۲۶ سنه ميلاديه سنده پارسده jardin des plantes (حديقۀ نباتات)

ناميله باغچه تأسيسنه حكومتدن امتياز آلمش واؤن سنه صكره (۱۶۳۶) كشادينه موفقت حاصل اولمشر . بونك تأسيسندن مقصد انواع نباتاتى تباع و تدقيق ايله طبك الځ مهم بر شعبه سنده احراز ترقى خصوصى ايدى . مؤخرآ بوځا حيواناتده علاوه اولشمشر .

حیواناتك آريجه بر محله بولنديرلمسنة الځ اول لوندرده تشبث اوله رق ، Regent's Park نام باغچه بو ايشه تخصبص ايدلمشر .

قریم مصالحه سنى متعاقب اوروپاده علمای فن طرفدن علم حیواناته بيوك بر اهميت ویرلمشر . بناءً عليه حديقۀ حیواناتك دور رواجى ۱۸۵۶ دن باشلار دينسه جائزدر .

آلمانياده حیوانات باغچيلرى بر طاقم بيوك سرمايله شرکتر طرفدن تأسيس ايدلمشر . بوسايله الځ مهم و حیوانانجه الځ زنکين باغچيلر ۱۸۶۲ دن ۱۸۶۵ شه قدر تأسيس اولشمشر .

مع مافيه لایبسيق ، کونيغسبرغ ، ريغا ، و برمن کي مهم شهرلر حیوانات باغچيلرى تأسيسنه تشبث ايتمش اولدقلى حالده بو امللر يى ساحۀ امکانه کتورمگه موفق اوله مامشلردر . زيرا حیوانات باغچيلرى فوق العاده مصرف اختيارينه و بو مصرفك دوامنى تأمينه متوقف اوله رق . شرکتر ايسه تأسيس ايتدکلرى باغچيلردن استحصال تتمه آنجق اهاليسى کثير و ذى ثروت اولان واجانبدن زوارى جوق بولنان شهرلرده موفق اوله بيليرلر . هله شهر ساحل بخرده اوله جق اولورسه هر جهتله فائده ليدر . چونکه ممالك بعيده ايله موارداده بولنه جفتدن حیوانات جلبنده مظهر سهولت اولسى ملحوظدر . برده حیوانات مختلفه يى بر آرده بولنديرم جق بر مملکتك اعتدال هوايى حائز اولسى و هر حالده شتاسى صيفندن اهون بولغسى

لازمدر . بالخاصه نهر كنارينه تصادف ايدن يرلرده حيوانات باغچهسى تأسيسى جائز دگلدر . ۱۸۷۶ سنهسى مارتشك اۆن برنده دين نهرينك بردن بره طغيانى وقوعه مبنى قولونيا شهرندهكى مشهور حيوانات باغچهسى كاملاً صو آلتنده قاهره حيوانات موجوده عموماً هلاك اولمش و شرکت غير قابل تلافى زيانه اوضرا مشدر .

برحيوانات باغچهسى دائماً داعىء مشكلاتدر . مثال اوله رق : حيواناتك هر نوع و جنسه اقتضا ايدن ارزاقى تفريق و تدارك ايتك و حيوانلرى تاثيرات هواييدن محافظه ايتك و بوايشلرى حسن ايضاده كنديلرينه امنيت و اعتماد اولنه بيلير مستقيم و غير بکچيلر بولمق کچي خصوصاتى ذکر ايتك کفايت ايدر . هله بکچيلرك وظيفه لرينى برتقيش دائمى آلتنده بولنديرمق فوق الغايه مشكل برکيفيتدر ؛ بوجهته آنلرك جزؤى بر تکاسل و اهمالندن حيوانات آره سنده علل ساريه ظهور ايد . بيلير . برغاردانك مساحهسى يوزندن ۱۸۷۷ سنه سنده فرانقفورت حديقۀ حيوانا . تده ظهور ايدن چيچك خسته لنى تداركى مشكل بر جوق قيمتلى حيواناتك تلفنى موجب اولمشدر .

هرشيدن اول حيوانات باغچه لرينك دوام و بقاسى خلقك رغبتنه وابسته در . خلق حيواناته مراقبى اوله جق اولورسه بؤكى مؤسسۀ لركده دوامى تامين ايديله . بيلير . جمعه و بازار گونلريله ايام عيديه يه منحصر اولان زيارتلرك تامين ايدمچكى واردات بکچيلرك معاشرينه بيله تقابل ايدم . بر ايکي جمعه و بازارك فنا هوالرۀ تصادف ايتمى باغچه اداره سنك بودجه سنده مهم بر نقصان ارايه ايدر . ايام شتا ييده بو باغچه لرى زيارت ايدنلرك مقدارنى تكتير ايچون ايکي قسم اوله رق تأسيس ايتمكى دوشمشلردر . كه بو ايكنجى قسم نباتات باغچه سيدر . اقاليم مختلفه يه مخصوص انواع نباتات نادره بولنديرلمق و چاي ، پونچ انواعندن تخمين ايدمچي بعض مشروباتى حاوى (بوفه) لر تأسيس ايديله رك لطيف چيچكلرله بزئمش صحيا جق قيش باغچه لرندۀ امرار وقت ايدمك صورتييله جلب رغبت و منفعتنه چاليشميدر . بونكله برابر ينه بر بيوك قزانچ تامين ايدمك قابل اوله مامشدر .

بوجهتله لوندره ، یارس و ویانهده اولدینی گبی ، یا حکومت و یا حکمدارک جیب-
هایونی و یا شهر امانتی حسابنه اداره اولنسان حدایق حیوانات - قید منفعتدن
آزاده اولهرق خاصه - تاریخ طبیعتنک تربیتنه خادم طوطلقدهدر .

§

اوروپاده حکمداران سرایلرنده حقیقه حیوانات تاسیسی خصوصنه اک اول
آوستریا ایله صاقسونیاده تثبث اولنمشدر . برنجی حیوانات باغچهسی ایمپراطور
برنجی فردیناندک بیوک اوغلی [۱] ماقسیملیان طرفندن ۱۵۵۲ ده ویانه قربنده
[ابرسدورف] قصبهسینده تاسیس ایدلمشدر . ایمپراطور ایکنجی رودولف
بوباغچهی برچوق حیوانات نادره جلیله توسیع ایلشدر .
بوندن صگرمه ایکنجی اولهرق تاسیس اولنان باغچه، کذا مشارالیه ماقسیمیلیانک
۱۵۶۴ سنهسندن ۷۶ سنهسینه قدر کذران اولان مدت ظرفنده [نایکاو] نام
موقعده انشا ایتدیردیکی سرای صیفی قربندهکی حقیقه حیواناندر .

۱۵۸۷ ده بو سرایک انشاآته نهایت ویرن ایمپراطور ایکنجی رودولف
باغچهی دخی توسیع و حیوانات نادره ایله تربین ایتش و برنجی لئوبولد ایسه
مشارالیهدن زیاده بر همتله حقیقهی ایکی مثلی بیولدهرک و محتویاتی دخی اق نسبته
تکثیر ایدرک بری حیوانات وحشیه و مفترسهیه ، دیکری حیوانات اهلیه و مونسهیه
مخصوص اولق اوزره ایکی قسمه تقسیم ایتدیرمشدر .

نایکاو سرایی ۱۷۰۴ ده وقوع بولان مجارستان اختلالنده مجارلر طرفندن
تخریب و اتصالندهکی حیوانات باغچهسی محو ایدلمشدر . مذکور باغچه آلتنجی
قارلونک زمان حکومتده مجدداً تاسیس ایدلمش و ۱۷۳۸ ده وفات ایدن پرنس
اوزه ناک خصوصی باغچهسینده جمع ایلدیکی حیوانات نادره دخی بو باغچهیه نقل
اولنمشدر . [بوباغچه، یعنی پرنس اوزه ناک باغچهسی، الیوم ویانهده] بلوهدر [نامیله
موجود بولنان سرایک داخلنده ۱۷۱۶ ده تاسیس اولنمشیدی .]

[۱] بولایحه برلیدی صرهد حکمدارانک ولیعهدلری تعبیرنه بدل بیوک اوغلی تعبیری
قوللائیلردی .

غربیدرکه آوستریا حکمدارلری . یعنی الیوم بر دوام اولان هابسبورغ
سلالسی افرادی حیوانات باغچهلرینک تکاملنه مدار اوله جق خصوصاته بک زیاده
صرف همت ایتمشدر .

از جمله ۱۷۳۱ ده حیوانات نادره تدارکچون آفریقاییه بر جمعیت فیه اعزام
ایدیلهرک . بو ارباب فن معرفتیه جلب ایدیلان حیوانات غربیه به مخصوص اولمق
اوزره مشهور (شونبرون) سراینده کی باغچه تنظیم ایدلشدر . بو باغچه نك اك مکمل
واك زنکین زمانی ایمپراطوریجه (ماری ترزا) ك عهد حکومتته مصادف اولان
دوردر که سالف الذکر نایکباو باغچه سنده کی حیوانات کاملاً اورایه نقل ایدلش
اولدینی گبی . انکلتره وهولاندادن دخی بر جوق حیوانات مایعه و جلب ایدلشدر .

ایمپراطوریجه نك امری اوزرینه (نیقولاؤس ژکن) نام ذات ۱۷۵۴ دن
۵۹ زه قدر هندستان غربی ایله آمریقایی جنوبیده بر سیاحت اجرا ایدرک
شونبرون نباتات باغچه سیچون نباتات نادیده و حیوانات قسمی ایچون ده حیوانات
نادره طویلامشدر . ایمپراطوریجه ایله زوجی حیواناته او قدر مراق صارمشدر
ایدی که حدیقه حیواناتك تام وسطنده مثن بر قصر انشا ایدیرهرک هرگون حیواناتی
اورادن تماشا ایدرلر ایدی . (بوقصر لایحه نك تاریخ تنظیمی اولان ۱۸۸۷ یه قدر
موجود ایدی .)

ماری ترزك اوغلی و خلفی اولان ایمپراطور ژوزف دخی باغچه یی برقات ده
توسیع ایدرک بری آمریقایی شمالی و هند شرقیه و دیگر جوی آفریقا ایله
فرانسه و بوربون آطه لرینه ایکی هیئت فیه اعزامیله بر جوق حیوانات جلب ایلشدر .
۱۸۲۸ ده مصر والیسی محمد علی پاشا بو باغچه به برزرافه اهدا وارسال ایتمش
ایسه ده بیچاره حیوان براز صگره خسته لهرق و یانه به ورودندن ۱۰ آی ۱۳ کون
مرورنده اولمشدر .

ایمپراطور فرانسوا ژوزفك عمی اولان برنجی فردیناندك زمان حکومتده
۱۸۳۷ ده شونبرون باغچه سی براز ده توسیع و اصلاح اولمشدر . كذلك ایمپراطور
فرانسوا ژوزف ایله زوجه سی الیزابت اصلاح و تنظیمه فوق الحد اعتنا ایتمشدر .

بو قدر کلفت و مصرف اختیار یله بر قاج عصر توسیع و تنظیمه اعتنا اولنان
بو باغچه، اليوم اسکی اهمیتنی ضایع ایتمشدر. شمذیکی حالده صرف برا کلبه باغچهسی
حکمندهدر. واقعا ینه بر جوق حیوانات غریبهنی جامع و از جمله اسد قشمندن
بر خیلی اجناسی حاویدر، که اورویا حیوانات باغچهلرینک هیچ برنده بوراده اولدینی
قدر مختلف ارسالان بولنما مقدهدر. باغچه ایسه، سزایک سار باغچهلری گبی
(دخولیه) سز اوله رق عمومه کشادهدر .

بر وقتلر ممالک متمدنه نك هیچ برنده امثالی اولمیان بارسك *jardin des plantes*
نامنده کی حدیقه نباتاتنك احوال تاریخیهسی شایان مطالعهدر .

اون اوچنکی لوینك اطبای خاصه سندن اولان (هروارد) ایله (غوی دولابروس)
قرالک امریله (سن - ویقتور) محلهسی جوارنده ۲۴ آقر اراضی ایله بر خانیهی
اشترا واق محلی نباتات طبیهیه مخصوص بر حدیقه فیه حائله تحویل ایتمشلردر .
بو باغچه نك تاسیسی ایله مأمورلرینك تعیینی حقنده کی امرنامه حکمداری
۱۶۳۵ سنهسی مایسنك اون بشنده صادر اولمشدر .

ژاردن ده پلانت بالآخره بر جوق انقلاباته اوغر اداقدن صکره اون بشنجی
لوینك دور حکومتده (شارل فرانسوا دوفای) ك اهتمامی سبایه سنده یگیدن
جانلامشدر . مومی الیه دوفای . وقتيله کندیسنك طوبلامش اولدینی حیوانات
و نباتات نادره نی بورایه اهدا ایلدیکی گبی، وفاتندن صکره کندینه (قونت بوفون) ك
خلف اوله رق حدیقه مدیرتیه تعیینی وعدنی شامل اولان اراده حکمداری بی دخی
استیصال ایتمشدر .

ایشته ژاردن ده پلانتك اك بارلاق زمان اشتهاری بوفونك زمان اداره سیدر.
دوبانتون . برنار دو ژوسیو . آنتوان لوران دو ژوسیو . روئل ، فور -
قروی . لاو و آزی به . وینسلوو . پورتال و امثالی مشاهیر بوفونه التحاق ایتمش
اولدقلرندن . فرانسسه انقلاب کبیرینه قدر بو باغچه دنیا نك اك برنجی دارالعلومی
حائلی آلمشدی . بوفون اختلالدن برسنه اول وفات ایلدی .

۱۷۹۰ ده واضع قوانین اولان هیئتک رأی وقراریله نباتات باغچه‌سی قرالک اموال خاصه‌سی صرم‌سندن نزع اولته‌رق خزینة حکومتیه مال ایدلمشدر .
 ۱۷۹۲ حزرانک ۲۳ نده دخی بر تاریخ طبیعی موزمسیله برده کتابخانه تأسیس ایدیلهرک ۱۷۹۴ سنه‌سی ایلولنک دردنچی کونی رسم کشادی اجرا اولمشدر .

برچوق عنعنات ملیه‌ی الفا ایدن انقلاب کیرک وسائل مدنیه‌نک الک مهملرندن اولان بومؤسسہ‌ی لایق اولدینی مرتبه کاله ایصالده کوستردیکی همت تاریخ انقلابک وقایع مهمه‌سندن معدوددر . چونکه باغچه‌نک یالکیز مأمورلریله خدمه‌سیچون سنوی ۱۵۰ بیگ فرائق صرفی قوانین مجلسنک حمله مقرر اتندن بولمشدر .
 ۱۴ نجی لوینک و قتیه وهرسایده تأسیس ایتمش اولدینی باغچه‌ده کی نباتات و حیوانات دخی بورایه نقل ایدلمشدر .

۱۷۹۷ ده قاسل نام ذات باغچه ایچون حیوانات و نباتات استحضار ایتمک اوزره حکومت طرفندن آفریقایه اعزام اولمشدر .

جنرال بوناپارت مصر سفریله مشغول اولدینی اوانده بیله وادی نیلده حیوانات بریه ونهریه تدارک وارسالنه مأمور ایدلمشدی . ماحصل انقلاب کیرک خلاف عاده بومؤسسہ‌یه کوستردیکی غیرت و همت شایان حیرتدر .

بو باغچه ، لوی فیلیب زماننده محمد علی نک کوندردیکی آفریقا فیلمری و آنتیلوب و بالخاصه عرب آتلی ایله زنکینلشمشدر . سنار والیسی دخی برزرافه کوندرمشدر . بوزرافه یاور ییکن طوتیلوب سودله بسلنهرک تأیس ایدلمش ایدی . ۱۸۲۶ سنه‌سی تشرین نایسنک اون دردنده مارسیلیایه مواصلت ایدن بو حیوان فرانسه‌یه کلان ایلک زرافه اولدینی حدیقه‌ده کی قیدندن آکلاشلقمدهدر . محمد علی اق تاریخمده انکلتزه قرالنه دخی برزرافه کوندرمش ایسه‌ده حیوان لوندره‌یه کتمدن ماطله‌ده تلف اولمشدر .

فرانسه‌یه کوندریلان زرافه اوزمان ۲۲ آیلک ایتمش . قیشی مارسیلیایه کچیردیکدن صکره ۱۸۲۷ سنه‌سی مایسنک ۲۰ نجی کونی یوله چیقاریله‌رق کونده

درت بش ساعت یوریدمك اوزره حزریرانك بشنده لیونه كمش و آندن صكره كوندوزلری آزار آزار قطع مراحل ایدرك تموز اواسطنه طوضری یارسه واصل اولمشدر .

لوندردمه Royal Society رئیس مشاهیر حکمتشناسان (سیر هو مفری داوی) ایله جغرافیوندن (سیر ستامفور رافلس) ك تشویقی اوزرینه Zoological Society نامنده ۱۸۲۵ سنهسی بر علم حیوانات جمعیتی تشکیل قلنش ایدی . بو جمعیتك یالگیز اعضاسی ۱۶۵۰ لیرا اعطاسیله Regents Park دیستان باغچهك بر قسمی استیجار ایدرك حیوانات نادره جمعنه مباشرت ایتمشلردر . آرمدن اؤن اوج سنه كچمدن بو باغچه ۱۰۰۰ نوعدن زیاده حیوانات ذات‌الحدایا تدارك و تشهر ایلشیدی . جمعیت ۳۰۱۱ اعضایی شامل اولهرق ، اعضادن هر بری سنوی ۳ انكلیز لیراسی و بر کرّمیه مخصوص اولهرق دخولیه نامیله بش لیرا اعطاسیله مكلف ایدی . كرك اعضانك تأدییه ایتدیگی مبلغ مقنن ، كرك بر شیلین دخولیهك تأمین ایلدیگی ایراد سنوی اؤن یدی بیك لیرایه بالغ اولمقده ایدی . حال بوكه مصرف بونك ایکی مثلنه قریب اولدیغندن ، اوست طرفی هر سنه اصحاب ثروندن اولان اعضای جمعیت طرفندن تسویه اولنیوردی .

بو باغچه ۱۸۴۵ سنهسندن ۱۸۵۲ سنهسینه قدر ییلان ، كرتنكله كبی حیوانات زاحفدن پك چوق نوع جمع ایتمش و ۱۸۵۲ ده دخی انهار و البحاره مخصوص اولان مخلوقات ایچون مخصوص (آقوواروم) حوضلر تأسیس ایلشدر . باغچهك ترقیات دائمهسنی ارانه ایچون هر سنه مكمل بر (سالنامه حدیقه) نشر اولهرق بونده بر سنه ظرفنده آرتان انواع حیوانات تعداد و ترقیم ایدیلور . برلینده برنجی حیوانات باغچهسی ۱۸۴۱ سنهسنده (شارلوتبورع) سرایی جوارنده تأسیس اولمشدر . بو باغچهك تأسیسنه مشاهیر طبیعیوندن دوكتور (لپنتشتاین) ایله مشهور (آلکساندر هومبولد) وساطت ایتمشلر و ۱۸۴۴ سنهسی آغستوسنك برنجی كونی ، یعنی صرف ایتدكاری همت و غیرت ایله آنجق ۳ سنهده كشادینه موفق اولمشلردر .

بو باغچه‌ده کی حیوانات ۱۸۷۰ تاریخنده ۱,۱۶۲,۰۰۰ مارق قیمتده ایدی .
وقت حضرده یوز بیگلرله عسکر بسلیان بروسیای حکومتی باغچه‌نک مصارف
سنویه‌سی استکشار ایتدیکندن ، تلف اولان حیوانانک یرینسه دیکر لرینی تدارک
وجلدن صرف نظر ایلش اولمسنه مبنی باغچه حیوانانجه اولان اولکی ثروت واهمیتی
ضایع ایلشدر .

دوقور شتریکر خلاصه‌سی قید ایتدیکم بومعلوماتی اعطادن صکره حیوانندن
بعضلرینک فیشاتی حقنده مثال اولقی اوزره جدول آتی بی ارا ایلشدر :

مخلنده ۸۰ : ۴۰۰ مارقه آلنسان بر قیل ، اورویایه ۳۰۰۰ : ۷۵۰۰ مارقه
قدر گلیور .

مخلنده ۱۰۰ : ۲۰۰ مارقه اشترا اولنسان بر زرافه اورویایه ۲۵۰۰ : ۴۰۰۰
مارقه گلیور .

برگرکدن ، مخلنده ۱۶۰ دن ۴۰۰ مارقه قدر مبیایه اولمخده ایکن اورویایه
۶۰۰۰ : ۱۲۰۰۰ مارقه گلیور .

کنج بر آرسلان ۸ الی ۲۰ مارقه آلنه بیلدیکی حالده اورویایه واصل اولنجهیه
قدر ۷۰۰ الی ۳۰۰۰ مارقه مال اولیور .

(بو آ) دینلان جسم الجته برییلان مکسیقاده نهایت ۱۰۰ مارقه مبیایه اولندیفی
حالده هامبورغه ۱۵۰۰ مارقه گلیور .

دها بر طاقم حیوانات واردرکه اساساً بک اوجوز آلدق لری حالده ، مثلاً خرطومدن
فرانقفورته قدر بدل مثلنک یگر می بش اوتوز قاتنه مال اولمخده در . از جمله ۱۰

مارقه آلنسان بر چفت مسک کدیسنه ۵۰۰ مارقدن زیاده مصارف نقلیه کیدیور .
ایشته بر حیوانات باغچه‌سی ایچون قرنجه‌دن فیله و سرچدن طاوشانجه قدر

حشرات و حیوانات مفترسه و وحشیه و انواع طیوردن لا اقل بش آلتی بیک نوع
مخلوقات مختلفه تدارک وجهی لازم اوله رق ، بونلری ایسه دفعه اشترا و جلب ایتمک

امکان خارچنده در . چونکه هربری اقالیم و بلاد مختلفه‌ده پتشدیکندن و هر برینک
موسم تدارکی دخی مختلف بولندیغندن بعضاً آرانسیلان برسیایه تیلکی ویا (بغه)

دینلان قشر معلومه مخصوص بر (قابلوفه) ایچون بر ایکی سنه صبر ایتمک اقتضا ایدر . بونلرک اوروباده الک مشهور تجارتکاهی هامبورغ شهرنده اوله رق (ها کنبک) ایله (رایهر) نامنده ایکی متخصص طرفدن اداره اولمقده در . بویکی ذات اوروپا حیوانات باغچه لرینه حیوانات نادره صاندقدن بشقه آفریقایه مخصوص اولان و آمریقاده اولیان برچوق حیواناتی دخی آمریقایه گوندرمکده درلر . موسیو ها کنبک مصر ایله خرطومده حیوانات مبیاعه وارسالیله موظف آجته لری واردر . بناء علیه بشقه طریق و واسطه ایله حیوان تدارکی بک بیوک گلفت و مصرف اختیارینه متوقف اولدیغندن ، مطلوب اولان حیوانات ایچون هر حالده هامبورغه مراجعت اقتضا ایدر .

آنف العرض معلومات وایضاحاته نظراً پای تخت هایونلرنده بر (حدیقه - الحیوانات) تنظیم و تاسیسی فوق العاده گلفت و مصرف اختیارینه وابسته در . بونکله برابر تخصیص بیوزیلان ۶۰ بیک لیرا ، حیواناته عائد مسکنلرک تاسیس و انشاسنه بیله آنجق کفایت ایده جکی کبی . برنجی دفعه اوله رق بولندیریله جق انواع حیوانات ایچون دخی بر اقل قدر مبلغ تخصیصی امور ضروریه دندر .

بالاده عرض اولندیغی اوزره ایشک الک مشکل جهتی حیواناتک وطن اصلیلرنده مألوف اولدقلری ارزاقک و قتیله تدارکی خصوصی و برده وظیفه لرینه صادق بکچیلرک لزومی در که حالا اورویانک قرق اللی و یوز یوز اللی سنه لک حدیقه لرنده بیله وظیفه سنه اسیر اوله جق قدر صادق غاردیان بولنه مدیغندن شکایت ایدلمکده در .

ملمتزه مخصوص اولان مساعده تسبیکارانه به نظراً ، حیوانات بکچیلکی ایچون لازم اولان اوصافی حائز آدم بولمق مرتبه استحاله در .

مطالعه قاصره کترانه مه قالیرسه درسعائده بر حدیقه حیوانات تاسیسی باد هوا دینه جک قدر آز مصرفله حاصل اولسه بیله مادامک دوامنک شرائط اساسیه سنه رعایت خصوصنده دائماً مشکلاته اوزعراق مقرر در . احوالده بو اغورده صرف اوله جق بش یوز لیرا بیله محض هدر در . بناء علیه سرای هایونلرینک باغچه سسنده بعض

طیور و حیوانات نادره به مخصوص بر حقیقه مختصره تأسیسه به بکجیلکنه مأمور
ایدیله جک خدمه نك حیوانات حقنده رحم و شفقتله ایفای وظیفه به تمرینی آتیده
آرزو بیوریلان حقیقه جسمیه تأمین موفقیت ایده یلمی ملحوظدر . هر حاله
امر و فرمان حضرت ولی الامر اقدامز گذر .

عبد احقر مایونلری

فی ۱۵ ربیع الاول سنه ۱۳۰۵

ابوالضیا

بولا یحه مفصلهم اوزرینه حقیقه حیوانات تأسیسندن صرف نظر ایدلمشدر .

